

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENI ZAKONA O DOPRINOSIMA**

Sarajevo, novembar 2016. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Predlaže se donošenje Zakona o izmjeni Zakona o doprinosima po skraćenom postupku, s obzirom da predložena izmjena Zakona nije složena i da je manjeg obima smatramo da su ispunjeni uslovi iz člana 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i člana 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09).

**ZAKON
O IZMJENI ZAKONA O DOPRINOSIMA**

Član 1.

U Zakonu o doprinosima („Službene novine Federacije BiH“, br. 35/98, 54/00, 16/01, 37/01, 1/02, 17/06, 14/08 i 91/15) u članu 20a. broj „12“ zamjenjuje se brojem „24“.

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

O B R A Z L O Ž E N J E

I - USTAVNI OSNOV

Ustavni osnov za donošenje Zakona o izmjeni Zakona o doprinosima sadržan je u članu III.1 tačka c) Ustava Federacije Bosne i Hercegovine, koji je izmijenjen amandmanima VIII, LXXXIX CVI i članu IV.A.20.(1) d) prema kojima je u isključivoj nadležnosti Federacije donošenje propisa o finansijama i fiskalna politika Federacije BiH, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

II - RAZLOZI ZA DONOŠENJE ZAKONA

Ovom izmjenom Zakona produžava se rok za primjenu člana 20a. za dodatnih 12 mjeseci. Naime, članom 20a. propisano je plaćanje doprinosa na povlaštenu osnovicu, koju čini umnožak prosječne plaće i koeficijenta 0,29, ukoliko se zaposleniku isplaćuje mjesečna plaća u visini do 60% prosječne mjesečne neto plaće u Federaciji BiH, u cilju stimuliranja zapošljavanja potrebne stručne radne snage u radno-intenzivnim i niskoakumulativnim djelatnostima koje su pretežno orijentirane na izvoz (preko 90%) odnosno jačanje konkurentnosti na inostranom tržištu, prvenstveno u tekstilnoj, kožnoj i industriji obuće, kao i stvaranja uslova za veću zainteresovanost za investicijska ulaganja u ovaj sektor.

III - USKLAĐENOST PROPISA S EVROPSKIM ZAKONODAVSTVOM

Predmet uređivanja ovog Zakona nije usklađivanje sa propisima Evropske unije. Ne postoje direktive i uredbe EU koje regulišu ovu oblast.

IV - OBRAZLOŽENJE PREDLOŽENIH NORMI

Član 1. (član 20a. Zakona)

Predloženom izmjenom člana se produžava rok za primjenu istog za još dodatnih 12 mjeseci.

Član 2.

Odnosi se na stupanje na snagu Zakona i objavljivanje u „Službenim novinama Federacije BiH“.

V - FINANSIJSKA SREDSTVA

Za provođenje ovog Zakona nisu potrebna dodatna novčana sredstva u budžetu Federacije BiH.

ZAKON O DOPRINOSIMA
(„Službene novine Federacije BiH“, broj: 35/98, 54/00, 16/01, 37/01, 1/02, 17/06,
14/08 i 91/15)

- ODREDBA ZAKONA KOJA SE MIJENJA -

Član 20a.

Izuzetno, od odredbe člana 6. tačka 10., osnovicu doprinosa čini množenik prosječne plaće iz člana 6a. stav 2. i koeficijenta 0,29 za zaposlenike u rudnicima uglja, tekstilnoj, kožnoj i industriji obuće i niskoakumulacijskim djelatnostima tradicionalnih esnafskih zanata kojima se isplaćuje mjesečna plaća u visini do 60% prosječne mjesečne neto-plaće u skladu sa članom 6a. stav 2., u periodu 12 mjeseci od dana stupanja na snagu ovog Zakona.